



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1100. Usque Ad Annum 1143

Fleury, Claude

August. Vind. [u.a.], 1762

VD18 90117999

§. 48. Boamundus in Francia.

[urn:nbn:de:hbz:466:1-66385](https://nbn-resolving.org/urn:nbn:de:hbz:466:1-66385)

Sæculum XI.

A.C. 1106.

§. XLVIII.

*Bœmundus in Francia.**Orderic. XI.*
p. 815.

Bœmundus in Franciam perveniens mense Martio, anno millesimo centesimo sexto, Lemovicum primo se contulit, redditurus votum, quo se S. Leonardo obstrinxerat, cum captivus ab Infidelibus detineretur. Reliquo Quadragesimæ tempore ad multas Franciæ urbes divertit, ubique honorifice exceptus a Clericis populisque, quibus se spectante gesta in bello Sacro narrabat. Ecclesiis Reliquias, vestes sericas, resque alias pretiosas donabat, Monachis & Episcopis acceptissimus. Itinerum suorum socium ducebat Bœmundus filium Romani Diogenis olim Imperatoris Constantinopolitani, pluresque alios ex primis Græcorum stirpibus ortos. Horum querelis in Alexium Imperatorem, quem contra fas Imperium invalisse affirmabant, Francorum odium in eundem accendebatur. A compluribus viris nobilibus rogatus Bœmundus filios eorum recens natos e Fonte Baptismi levabat, quibus ipse nomen suum (Marcus vero vocabatur) imponebat.

Præter alias itineris causas hæc quoque Bœmundo erat, ut uxorem in Francia acciperet, duxitque Constantiam, Regis Franciæ Philippi & Bertæ Reginæ filiam,

Sup. vit.
Lud. c. 6.

filiam, quæ olim Hugoni, Comiti Tre-
 centi nuptui data, liberis ex eo genitis, Sæcul. XII.
A.C. 1106.
 ob impedimentum propinquitatis, a vi-
 ro separata fuerat, Ivone Carnotensi hoc *Iv. ep. 158.*
 consilium suggerente. (*) Bœmundo
 quoque Procuratore connubium Cæci-
 liæ, ex eodem Rege Philippo & impari ma-
 tre Bertrada genitæ, Tancredo Bœmun-
 di Propinquo promissum est. Nuptiæ
 autem Bœmundi & Constantiæ Carnoti
 anno millesimo centesimo sexto post Pa-
 scha celebratæ sunt, ipseque in eadem
 civitate in Ecclesiam ingressus, & sug-
 gestum ante Altare Beatæ Virginis posi-
 tum conscendens, ad populum dixit.
 Omnes armis gerendis aptos hortaba-
 tur, ut se in Asiam secundo migrantem
 sequerentur, laborumque præmia arces
 civitatesque opulentas futuras esse pro-
 mittebat. Nec sane pauci, accepta Cru-
 ce, iter Jerosolymam haud minore ala-
 critate,

K 4

(*) Vix quisquam hodie Ivonis Carnotensis
 consilium vel sequeretur vel approbaret. Sed
 omnes hujusmodi Conjugibus suaderent peten-
 dam esse & acceptandam ab Ecclesia dispensa-
 tionem; major est enim nostra ætate quam in
 illis Sæculis Reverentia Contractus Sponsali-
 tii, quem tam contrahentes quam omnes Fideles
 ab initio pro Matrimonio legitimo & Sacra-
 mento habuerunt; sic etiam honori & famæ
 prolis ex tali thalamo natæ consulitur.

Sæcul. XII. A.C. 1106. critate, quam si ad jucundum convivium irent, instituerunt. Multo solemnius Fideles ad bellum Sacrum suscipiendum hortatus est Legatus Papæ Bruno Segniensis, in Concilio vigesima sexta Maji, eodem anno millesimo centesimo sexto, Pictavii, Bœmundo præsentem, celebrato. In eodem variæ etiam causæ ad Ecclesias pertinentes petraçtata.

§. XLIX.

Quæ Roberto Arbrifellensi objiciebantur.

Eodem anno & in eadem Diœcesi Pictaviensi celebre Monasterium Fontis * Eberhardi fundatum. Robertum Arbrifellensem Prædicationis muneri, ut ante annos decem ab Urbano II. Papa jussus fuerat, gnaviter incumbentem non exigui hominum utriusque sexus greges sequebantur, nullum enim, quem a Deo vocatum putabat, repellere audebat. Ex quo Monasterium Rotense reliquerat, nullibi sedem figere voluerat, quo liberius ubique ad populos verba facere liceret; sed cum multitudinem Discipulorum suorum in dies augeri cerneret, & in continua profectioe sæpe necessitate compellente fieri, ut mulieres in eodem hospicio inter viros pernoctarent, locum quærere cœpit, ubi servato modestiæ decore domicilium stabile

* Fonte-
vraud.

c. 3.
ap. Boll. 25.
Feb. tom. 5.
p. 606.

Sup. lib.
LXIV. §.
33.